



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU HRVATSKE DEMOKRATSKE ZAJEDNICE 1990

Broj: 03-07-6-381/19  
Sarajevo, 27. oktobar 2020. godine

## S A D R Ź A J

|  |   |
|--|---|
| MIŠLJENJE REVIZORA.....                                  | 3 |
| 1. UVOD.....   | 4 |
| 2. PREDSTAVLJANJE POLITIČKE STRANKE.....                 | 4 |
| 3. OPIS PREGLEDA I KONTROLE FINANSIJSKOG IZVJEŠTAJA..... | 4 |
| Predmet pregleda i kontrole .....                        | 5 |
| Cilj pregleda i kontrole.....                            | 5 |
| Obim pregleda i kontrole.....                            | 5 |
| 4. PRETHODNE KONTROLE I REVIZIJE.....                    | 5 |
| 5. NALAZI I PREPORUKE.....                               | 5 |
| 5.1 NALAZI .....   | 5 |
| 5.2 PREPORUKE.....                                       | 8 |

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske demokratske zajednice 1990 za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2018. godine, utvrđeno je da je Hrvatska demokratska zajednica 1990 prekršila odredbe člana 4. stav (1), člana 5. stav (4), člana 6. stav (2), člana 11. stav (1) i člana 12. Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske demokratske zajednice 1990 za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska demokratska zajednica 1990 finansirala se iz sljedećih izvora:

| R/B       | Izvori finansiranja  | Iznos (KM)        | Struktura (%) |
|-----------|--|-------------------|---------------|
| 1.        | Članarina  | 750,00            | 0,12          |
| 2.        | Prilozi fizičkih lica ( 3-a )                                      | 10.860,56         | 1,83          |
| 3.        | Prilozi pravnih lica ( 3-b )                                       | 900,60            | 0,15          |
| 4.        | Prihodi od imovine ( 3-c )   | 0,00              | 0,00          |
| 5.        | Prihodi od dobiti preduzeća u vlasništvu političke stranke ( 3-d ) | 0,00              | 0,00          |
| 6.        | Prihodi od poklona ( 3-e )   | 0,00              | 0,00          |
| 7.        | Prihodi iz budžeta ( 3-f )   | 581.726,99        | 97,88         |
| 8.        | Prihodi od propagande ( 3-g )                                      | 0,00              | 0,00          |
| <b>I</b>  | <b>Ukupni prihodi (1-8)</b>  | <b>594.238,15</b> | <b>99,98</b>  |
| <b>II</b> | <b>Ostali prihodi i drugo</b>                                      | <b>102,52</b>     | <b>0,02</b>   |
|           | <b>Izvori finansiranja (I+II)</b>                                  | <b>594.340,67</b> | <b>100,00</b> |

U godišnjem finansijskom izvještaju stranka je iskazala rashode u ukupnom iznosu od 733.954,38 KM.

## 2. PREDSTAVLJANJE POLITIČKE STRANKE

Naziv političke stranke je Hrvatska demokratska zajednica 1990. Skraćeni naziv stranke je HDZ 1990.

Hrvatska demokratska zajednica 1990 je registrovana kod Kantonalnog suda u Mostaru, rješenjem broj: 007-0-R-06-000031 od 13.04.2006. godine.

Sjedište stranke je u Mostaru, Kneza Branimira 2.

Lice ovlašteno za zastupanje Hrvatske demokratske zajednice 1990 je Ilija Cvitanović, predsjednik stranke.

Lice ovlašteno za podnošenje finansijskih izvještaja za 2018. godinu je Marijana Markotić.

Prema podacima iz godišnjeg finansijskog izvještaja za 2018. godinu, organizacionu strukturu Hrvatske demokratske zajednice 1990 čine:

- Središnji odbor,
- 7 županijskih/kantonalnih odbora,
- 2 gradska odbora i
- 35 općinskih odbora.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Hrvatske demokratske zajednice 1990 za 2018. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Hrvatske demokratske zajednice 1990 obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i troškove izborne kampanje.

### 4. PRETHODNE KONTROLE I REVIZIJE

Služba za reviziju je izvršila pregled, kontrolu i reviziju finansijskih izvještaja Hrvatske demokratske zajednice 1990 u periodu od 2006. do 2017. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršenog pregleda finansijskog izvještaja Hrvatske demokratske zajednice 1990 za 2017. godinu, izdat je izvještaj o pregledu, sa mišljenjem revizora, nalazima i preporukama stranci: da uspostavi i vodi poslovne knjige u skladu sa računovodstvenim propisima, da vodi potpune evidencije o prihodima, rashodima i obavezama za sve organizacione dijelove političke stranke, te da obrati pažnju na troškove poreza i doprinosa na isplate koje imaju karakter ličnih primanja, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka, i da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Hrvatska demokratska zajednica 1990 nije ispoštovala sve preporuke.

### 5. NALAZI I PREPORUKE

#### 5.1 NALAZI

#### **a) Hrvatska demokratska zajednica 1990 nije postupila u skladu sa odredbama člana 4. stav (1) Zakona o finansiranju političkih stranaka<sup>1</sup>.**

Hrvatska demokratska zajednica 1990 je finansijska sredstva stranke u iznosu od 733.954,38 KM utrošila bez donesenog Programa utroška sredstava za 2018. godinu, čime je prekršila odredbe člana 4. stav (1) Zakona o finansiranju političkih stranaka.

Stranka je u godišnjem finansijskom izvještaju za 2018. godinu iskazala ukupne rashode u iznosu od 733.954,38 KM.

Uvidom u raspoloživu dokumentaciju utvrđeno je da stranka Plan utroška sredstava za 2018. godinu nije dostavila uz godišnji finansijski izvještaj za 2017. godinu, a što je bila obavezna.

---

<sup>1</sup> U skladu sa odredbom iz člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

Na zahtjev Centralne izborne komisije Bosne i Hercegovine stranka je dana 28.09.2020. godine dostavila Plan utroška sredstava za 2018. godinu, gdje je utvrđeno da isti ne sadrži osnovne elemente o datumu izrade i donošenja dokumenta.

S obzirom na gore navedene činjenice Plan utroška sredstava za 2018. godinu koji je Hrvatska demokratska zajednica 1990 dostavila dana 28.09.2020. godine, nije uzet u razmatranje.

**b) Stranka je prekršila odredbe člana 5. stav (4) i člana 6. stav (2) Zakona o finansiranju političkih stranaka.**

(1) Hrvatska demokratska zajednica 1990 u poslovnim knjigama i finansijskom izvještaju nije iskazala nenovčanu donaciju po osnovu besplatnog korištenja poslovnog prostora u vlasništvu Grada Široki Brijeg, čime je prekršila odredbe člana 5. stav (4) Zakona o finansiranju političkih stranaka.

Uvidom u akt Grada Široki Brijeg broj: 03-223/19 od 04.06.2019. godine, utvrđeno je da je stranka, odnosno njen odbor, tokom 2018. godine koristio poslovni prostor u vlasništvu Grada Široki Brijeg bez naknade.

Politička stranka je korištenjem poslovnog prostora u vlasništvu grada, bez plaćanja zakupnine, primila nenovčanu donaciju, koju je imala obavezu da evidentira u poslovnim knjigama za 2018. godinu.

(2) Pregledom je utvrđeno da prilozi pravnih lica u iznosu od 400,00 KM nisu uplaćeni na transakcijski račun Središnjeg odbora stranke, čime su prekršene odredbe člana 6. stav (2) Zakona o finansiranju političkih stranaka.

U skladu sa odredbama člana 6. stav (2) Zakona o finansiranju političkih stranaka, dobrovoljni prilozi u novcu uplaćuju se na transakcijski račun centrale političke stranke.

**c) Stranka je prekršila odredbe člana 11. stav (1) i člana 12. Zakona o finansiranju političkih stranaka.**

Pregledom finansijskog izvještaja i dodatne dokumentacije utvrđeno je da Hrvatska demokratska zajednica 1990 nije uspostavila potpune i tačne evidencije o svojim приходima, rashodima, obavezama i novčanim tokovima, nije postupila po principima blagajničkog poslovanja, niti je godišnji finansijski izvještaj popunila u skladu sa odredbama Pravilnika o godišnjim finansijskim izvještajima političkih stranaka-u daljem tekstu: Pravilnik, čime su prekršene odredbe člana 11. stav (1) i člana 12. stav (1) i (4) Zakona o finansiranju političkih stranaka.

(1) Stranka je u obrascu 2 finansijskog izvještaja (Pregled prometa svih transakcijskih računa političke stranke) iskazala pogrešne podatke o prometu putem transakcijskog računa broj: 1011610056698446 kod Privredne banke Sarajevo i nije prijavila transakcijske račune broj: 3060240000550336 i 3381302265807584, čime je prekršila odredbe člana 11. Pravilnika.

- Stranka je u obrascu 2 finansijskog izvještaja prijavila transakcijski račun broj: 1011610056698446 kod Privredne banke Sarajevo sa sljedećim prometom: početno stanje u iznosu od 26,50 KM, promet ulaza u iznosu 0,00 KM, promet izlaza u iznosu od 0,00 KM i stanje na dan 31.12.2018. godine u iznosu od 26,50 KM.

Na osnovu akta Općine Usora utvrđeno je da su na ovaj računa stranci doznačena sredstva iz budžeta Općine Usora u iznosu od 2.076,93 KM, tj. da je ostvarila ulazni promet putem ovog računa, a da isti nije iskazala u godišnjem finansijskom izvještaju.

- Uvidom u podatke koje je dostavila Općina Gornji Vakuf-Uskoplje aktom broj: 02-14-394-1/19 od 26.08.2020. godine, utvrđeno je da je stranka putem transakcijskog računa broj:

3060240000550336 primila uplate iz budžeta ove općine u iznosu od 10.312,00 KM, odnosno ostvarila je ulazni promet preko računa.

- Na osnovu podataka koje je dostavila Općina Ravno<sup>2</sup>, utvrđeno je da je stranka putem transakcijskog računa broj: 3381302265807584 primila uplate iz budžeta Općina Ravno u iznosu od 800,00 KM, odnosno ostvarila je ulazni promet preko računa.

(2) Pregledom finansijskog izvještaja i analitičke kartice prometa blagajne, utvrđeno je Središnji ured stranke ne vodi blagajnu po principima blagajničkog poslovanja.

Naime, na osnovu analitičke kartice prometa blagajne utvrđeno je da je stranka iskazala početno stanje na dan 01.01.2018. godine u iznosu od 19.406,88 KM, te da je u 2018. godini podigla novčana sredstva za potrebe blagajne u iznosu od 1.910,80 KM. Stranka nije iskazala izlazni promet u 2018. godini, čime je odstupila od propisa i principa blagajničkog poslovanja koji su regulisani Uredbom o uslovima i načinu plaćanja gotovim novcem u Federaciji BiH<sup>3</sup>.

Podizanje gotovine sa transakcijskog računa i njen polog na blagajnu vrši se u slučaju kada u blagajni nedostaju gotovinska sredstva za tekuće potrebe.

(3) U obrascu 3-f finansijskog izvještaja (Prihodi iz budžeta) stranka nije iskazala i u poslovnim knjigama nije evidentirala sve prihode iz budžeta, čime je prekršila odredbe člana 19. Pravilnika.

- Uvidom u akt Općine Usora broj: 02-11-345/20 od 21.08.202. godine utvrđeno je da su iz budžeta ove općine stranci uplaćena sredstva u 2018. godini u iznosu od 2.076,93 KM, a stranka doznačena sredstva nije iskazala u godišnjem finansijskom izvještaju.
- Stranka nije iskazala prihod iz budžeta Općine Novi Travnik, dok je na osnovu akta<sup>4</sup> koji je dostavila Općina Novi Travnik utvrđeno da su stranci doznačena sredstva iz budžeta u iznosu od 3.300,00 KM.
- U finansijskom izvještaju stranka nije iskazala prihod iz budžeta Općine Gornji Vakuf-Uskoplje, dok je aktom utvrđeno da je ova općina uplatila stranci sredstva u iznosu od 10.312,00 KM.
- Stranka nije iskazala prihod iz budžeta Općine Dobretići. Na osnovu podataka iz akta Općine Dobretić, broj: 03-14-217-2/19 od 27.08.2020. godine, utvrđeno je da su iz budžeta ove općine stranci doznačena sredstva u iznosu od 309,10 KM.
- Na osnovu podataka koje je dostavila Općina Ravno utvrđeno je da je iz budžeta ove općine stranci uplaćeno 800,00 KM. U finansijskom izvještaju stranka nije iskazala prihode iz budžeta Općine Ravno.
- Stranka je prihod iz budžeta Srednjobosanskog kantona iskazala u iznosu od 90.360,65 KM, dok je uvidom u akt istog kantona utvrđeno da je ovaj kanton stranci iz budžeta doznačio sredstva u iznosu od 86.088,14 KM.

(4) Uvidom u poslovne knjige utvrđeno je da je stranka vodila pogrešne evidencije o prihodima tako što je novčana sredstva u iznosu od 100,00 KM isplaćena iz budžeta, na osnovu Odluke Centralne izborne komisije Bosne i Hercegovine o povratu novca od takse uplaćene za prijevremene izbore 2017. godine, evidentirala u okviru ostalih prihoda.

(5) Politička stranka u poslovnim knjigama nije uspostavila tačne evidencije o prihodima i rashodima i nije pravilno iskazala prihode na obrascu 3-e (nenovčane donacije) i 3. (izvori finansiranja) i

<sup>2</sup> Akt Općine Ravno broj: 01-579/20 od 08.10.2020. godine.

<sup>3</sup> „Službene novine Federacije BiH“, broj: 72/15.

<sup>4</sup> Akt Općine Novi Travnik broj: 04-209/20 od 21.08.2020. godine.

rashode na obrascima 4. (ukupni rashodi političke stranke) i 4.1 (režijsko-administrativni i ostali troškovi) finansijskog izvještaja, čime je prekršila odredbe čl. 13., 18., 21. i 22. Pravilnika.

- Stranka u godišnjem finansijskom izvještaju nije iskazala nenovčanu donaciju Grada Široki Brijeg i troškove po osnovu korištenja poslovnog prostora bez naknade.
- Uvidom u poslovne knjige utvrđeno je da je stranka izvršila isplatu novčanih sredstava na ime troškova prevoza u OO Neum u iznosu od 1.640,00 KM. Uvidom u blagajničke isplatinice utvrđeno je da su navedena sredstva isplaćena fizičkom licu na ime troškova putovanja u druge odbore stranke.

Takođe, OO Jajce i OO Tomislavgrad su isplatili naknade posmatračima u ukupnom iznosu od 9.450,00 KM.

S obzirom da su novčana sredstva isplaćena fizičkim licima koja nisu zaposlena u stranci, navedene isplate u OO Neum, OO Jajce i OO Tomislavgrad imaju karakter ličnih primanja, na koja stranka nije obračunala niti platila porez na dohodak i doprinose.

- Uvidom u presudu Okružnog privrednog suda u Banjoj Luci broj: 57 0 Ps 094621 11 Ps Mals, utvrđeno je da stranka u svojim poslovnim knjigama nije evidentirala troškove i obaveze po računu Pošta Srpske u iznosu od 10.719,23 KM od 30.09.2010. godine, već je iste evidentirala u okviru troškova advokatskih usluga, i to u momentu kada je presuda poslana na izvršenje.

Takođe, utvrđeno je da je stranka na analitičkoj kartici konta *Dati avansi* po početnom stanju iskazala sredstva u iznosu od 3.666,78 KM, što ukazuje na činjenicu da stranka nema dokumentaciju i evidencije o troškovima.

Na osnovu navedenog evidentno je da stranka nema tačne evidencije o svojim troškovima i obavezama.

- Hrvatska demokratska zajednica 1990 je troškove zakupa poslovnih prostora koje su koristili Središnji odbor i OO Zenica evidentirala i u godišnjem finansijskom izvještaju iskazala u manjem iznosu u odnosu na ostvarene za ukupno 24.300,00 KM, kako slijedi: Središnji odbor u iznosu od 24.200,00 KM i OO Zenica u iznosu od 100,00 KM. Stranka je troškove zakupa KO/ŽO Posavina iskazala u većem iznosu za 7.740,00 KM.

Stranka za sljedeće odbore nije nikako iskazala troškove zakupa: OO Kreševo u iznosu od 2.040,00 KM, OO Fojnica u iznosu od 2.400,00 KM, OO Travnik u iznosu od 3.720,00 KM, OO Prozor-Rama u iznosu od 710,40 KM i OO Livno u iznosu od 3.360,00 KM, odnosno ukupno 12.130,40 KM.

(6) Hrvatska demokratska zajednica 1990 je u skladu sa odredbom člana 12. stav (2) Zakona o finansiranju političkih stranaka<sup>5</sup> imala obavezu da u godišnji finansijski izvještaj uključi koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja<sup>6</sup>.

(7) Stranka u poslovnim knjigama nije uspostavila tačne evidencije o svojim obavezama i nije iskazala sve svoje obaveze u obrascu 5 (obaveze političke partije) finansijskog izvještaja, čime je prekršila odredbe člana 24. Pravilnika.

- Uvidom u podatke koje je aktom<sup>7</sup> dostavio dobavljač „Europlakat“, utvrđeno je da Hrvatska demokratska zajednica 1990 na dan 31.12.2018. godine nema obaveze prema ovom

<sup>5</sup> Politička stranka obavezna je u svom izvještaju uključiti sve koristi ostvarene od aktivnosti subjekata koji su na bilo koji način povezani sa političkim strankama ili su pod njenom kontrolom.

<sup>6</sup> Hrvatski narodni sabor Bosne i Hercegovine kao udruženje promovira političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

<sup>7</sup> Akt Europlakat od 24.08.2020. godine.



dobavljaču, dok je u poslovnim knjigama i obrascu 5 iskazala obaveze prema dobavljaču „Europlakat“ u iznosu od 51.644,82 KM.

- Stranka je u poslovnim knjigama i finansijskom izvještaju iskazala obaveze prema dobavljaču „Interconnect“ u iznosu od 82.383,65 KM, dok je na osnovu akta i kartica iz poslovne evidencije ovog dobavljača utvrđeno da potraživanja od Hrvatske demokratske zajednice 1990 iznose 102.383,65 KM.
- Uvidom u dokumentaciju utvrđeno je da je stranka iskazala obaveze prema dobavljaču „Media Res“ u iznosu od 69.873,20 KM, dok prema podacima iz poslovnih knjiga, dobavljač na dan 31.12.2018. godine od stranke potražuje sredstva u iznosu od 16.910,40 KM.

**d) Hrvatska demokratska zajednica 1990 prekršila je odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.**

Uvidom u službene evidencije, utvrđeno je da je Hrvatska demokratska zajednica 1990 dostavila postizborni finansijski izvještaj-Opšti izbori 2018. godine dana 21.12.2018. godine, nakon zakonom utvrđenog roka čime su prekršene odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

### **Troškovi izborne kampanje**

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM<sup>8</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Hrvatska demokratska zajednica 1990 je u svrhu izborne kampanje mogla da potroši 1.014.050,40 KM. Politička stranka je u godišnjem finansijskom izvještaju, koji je podnijela Centralnoj izornoj komisiji BiH, iskazala troškove izborne kampanje u iznosu od 280.362,18 KM.

## **5.2 PREPORUKE**

*Preporučuje se Hrvatskoj demokratskoj zajednici 1990 da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da svake godine donosi program utroška sredstava i da sredstva obezbijedena za finansiranje stranke planira na vrijeme, odnosno da program utroška sredstava donese i usvoji na vrijeme,*
- *da vodi evidencije o priložima, bez obzira na koji način ih ostvaruje,*
- *da dobrovoljne priloge u novcu uplaćuje na transakcijski račun Centrale stranke,*
- *da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima, rashodima i obavezama,*
- *da poštuje i druge propise, prevashodno poreske i propise o poslovanju gotovim novcem,*
- *da usaglašava stanje svojih obaveza sa dobavljačima,*
- *da finansijske izyještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i*

<sup>8</sup> Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feniga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feniga za izbore za članove kantonalnih skupština.

- *da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom.*

**KOMENTAR:**

Hrvatska demokratska zajednica 1990 nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2018. godinu.

Šef Odsjeka za revizijske poslove

Sanja Tošović

Revizor

Veliborka Kenjić

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić